

Oqaluuserisassanut nassuiaat

(Inatsisartut Siulittaasuat)

Immikkoortoq 22 ulloq 28. oktober siullermiigassanngortinneqarsimagaluarpoq. Siulittaasoqarfiulli immikkoortumut atortussat aatsaat ulloq 25. oktober tiguai, naak atortussat kingusinnerpaamik ulloq 1. oktober tunniunneqartussaasimagaluartut.

Taamaattumik Inatsisartut soorunami taama sivikitsigisumik piareersarnissamut piffissaqartitsilluni immikkoortoq suliarisinnaanngilaat, taamaalillunilu immikkoortoq ataatsimiinnermi matumani oqaluuserineqassanani.

Immikkoortup 22-p qulequtaraa: Aningaasalersuisarnermik ingerlataqarneq pillugu inatsisip allanngortinneqarnera pillugu inatsisip Kalaallit Nunaanni atortuulersinneqarneranik peqqussutsip Kalaallit Nunaanni atortuulersinneqarneranut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

Immikkoortup 24-p pingajussaaneerneqarnissaa ataatsimiinnerup naalerneranut kinguartinneqarpoq. Immikkoortoq ulloq 28. oktober pingajussaaneerneqartussaagaluarpoq. Qaagu suliarineqarnissaa kingusinnerusukkut nalunaarutigineqarumaarpoq.

Immikkoortoq 24-p qulequtaraa: Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx. xxx 2021-meersoq.

Ilaasortat uku akornanni taasisarnerit pillugit isumaqatigiissuteqartoqarpoq:

Múte Bourup Egede, Inuit Ataqatigiit aamma Erik Jensen, Siumut.

Pipaluk Lyngé-Rasmussen, Inuit Ataqatigiit aamma Vivian Motzfeldt, Siumut.

Sofia Geisler, Inuit Ataqatigiit aamma Anders Olsen, Siumut.